

外
二

六科准繩



外科準繩卷二

金壇王肯堂輯

瘦樵程永培校

潰瘍

〔大法〕癰疽已破膿出者是也 集驗云癰疽既破膿出肉腐當用拔毒膏貼之邪氣漸退氣血亦虛脈之洪數漸宜減退當內補託裏必使氣血滋榮正氣強盛膿色鮮濃赤腫漸收藥宜補氣生血秋冬微加禦風寒之藥十宣散十全大補湯中用桂是也氣滯加香附如毒勢大退氣血未復宜多人參當歸黃耆四物湯之類癰疽雖已見膿根脚赤暈反展開闊或不痛或大痛此毒氣不退金銀白芷散十宣散去厚朴桂倍人參川歸黃耆加忍冬藤連翹犀角瓜蒌根消毒之藥春末夏間及秋初宜加酒芩黃連黃蘗羌活腰以下可去桔梗見膿後須以補氣血藥為主解毒藥助之或不宜於補藥者宜忍冬丸四圍腫焮處用毫針燒赤刺之約一米深紅腫則縮服藥脈得和緩爲佳或破後不潰瘡口堅硬者風也用蜈蚣散傅之或蠹肉不腐用雄黃輕粉敷之大忌紅腫不退或飲食進少從權且調理脾胃或兼他證又另議藥治腐肉不知痛痒正黑者可去之但不傷四畔好肉及裏面良肉當去外之黑腐者下皆去黃白如絮之狀膿內有紅血絲路又不可動此項大膿次日必自脫落庶免傷其良肉若怕刀砭三四日必自脫落但

用刀去者新肉易長毒氣漸消凡腐肉亦有少臭氣腐敗去後則無變四圍腐者漸漸去令淨用長肉膏貼間日用豬蹄湯洗新肉長如梅李如石榴子紅活可愛日見堆阜或上有白膜皆是吉兆若腐敗去後下面良肉色白而平略無紋理亦不能如米如粟不見漸生之意或膿水清淡或臭此積毒內連五臟血氣枯竭乃是危證肉不能長氣血不榮衛氣不護瘡則風寒著之用北艾黃耆湯熏洗生肌長肉藥傅之用乳香膏長肉等膏貼之或肉雖長起色紫者遺毒也用地榆湯活血散敷追毒膏貼之卽自紅活瘡口漸收仍用長肉膏貼或瘡口痒用細茶蔥鹽煎湯熱洗或瘡口易收乃氣血中熱毒故不分消卽使長肉必防流注之患或更迷違瘡口如錢大時恐轉他證危殆凡癰疽瘡口已收但皮嫩未可便去膏藥鬼遺方云凡發背及癰疽皆在背上不問大小有疼無疼或熱或不熱或冷或不冷但從小至大腫起至一尺以上者其赤腫焮熱者卽用緊急收赤腫藥圍定不令引開中心卽用抽膿聚毒散貼之急令散毒外透內服排膿縮毒內託湯藥候膿成相次破穴看瘡大小深淺內發其膿汁膿水大泄急須託裏內補雖破穴膿汁不多再須排膿拔毒透後慎不令再腫須疼止腫消患者自覺輕便卽是順疾也最宜節慎飲食其熱毒方盛或發大渴多飲冷水及冷漿之類此是毒氣攻心令口乾煩渴但以心氣藥內補臟腑卽止矣

內補謂參耆之屬排膿謂皂角刺之屬

〔薛〕膿熟而不潰者陽氣虛也宜補之如聖愈湯之類 瘀肉不腐者宜大

補陽氣更以桑柴火灸之 不作膿膿不潰氣虛也託裏消毒散去金銀花白芷連翹三味加參朮肉桂

如不應暫用十全大補湯 腫赤作痛血凝滯也本方加乳香沒藥如不應暫用仙方活命飲 膿出反

痛氣血虛也去三味加參耆歸地 潰後食少無睡或發熱者虛也宜補之內補黃耆湯之類 倦怠癰

言食少不睡者虛也宜補之黃耆人參湯之類 寒氣襲於瘡口不斂或陷下不斂者溫補之十全大補

湯 脈大無力或瀉而微肌肉遲生者氣血俱虛也峻補之十全大補湯倍用參耆 肉赤而不斂血虛

有熱也託裏消毒散去三味加熟地丹皮 肉黯而不斂陽氣虛寒也前散去三味加參耆白斂官桂

漫腫不痛或肉死不潰脾氣虛也前散去三味加人參白朮如不應加薑桂更不應急加附子 肉白而

不斂陽氣虛也前散去三味加參耆歸朮 膿多而不斂氣血虛也前散去三味加參耆歸朮熟地黃如

不應暫用十全大補湯 飲食少思而不斂胃氣虛也前散去三味加參耆如不應暫用補中益氣湯

飲食難化而不斂脾氣虛也前散去三味加參耆如不應暫用六君子湯又不應佐以八味丸 膿多而

帶赤血虛也前散去三味加歸地參朮如不應暫用八珍湯加牡丹皮 等另分條在後

〔辨膿〕集驗云脈緊而數爲膿未成緊去但數爲膿已成以手按上熱者爲有膿不熱者爲無膿按之牢

硬未有膿也按之半軟半硬已有膿也大軟方是膿成也大按之痛者膿深也按之不甚痛者未成膿也

按之即復者爲有膿也不復者無膿也小按便痛薄皮剝起者膿淺也按之四痛皮色不變不高阜者膿深也淺者宜藥點破高突者宜鉗針深者宜烙更詳虛實何如腫處軟而不痛者血瘤也發腫日漸增長而不大熱時時牽痛者氣瘤也虛腫而黃者水也氣結微腫久而不消後亦成膿此是寒熱所爲也留積經久積陰生陽寒化爲熱以此潰必成瘻宜早服內塞藥以排之諸癰瘤疣贅等至年衰皆自內潰不一於補養而妄行攻蝕必有性命之憂至於癰癰結核寒熱發渴經久不消其人面色萎黃被熱上蒸已成膿也

治見本條

手足指梢及乳上宜膿熟大潰方可開之麻痘後肢節上癰稍覺有膿便須決破遲則成彎曲之疾

膿成宜急破之

〔取膿〕凡瘡腫以手指從瘡旁按至四畔上赤黑者按之色不變膿已結成又按之隨手赤色此亦有膿

按之白良久方赤遊毒已息可就赤白色盡處灸斷瘡肉平實久而方消 夫癰則皮薄腫高疽則皮厚

腫堅初發並宜灼艾惟癰膿成則宜針疽膿成則宜烙 切宜熟視詳審候其潰熟膿透於外其勢盈盈

欲出只用替針丸自瘡頭咬開不半日許其膿自出切不可用針刀也

丹溪云精要論戒用針刀業外科者當拳拳服膺

替針丸 治癰疽已潰未破或破後膿出不快者

膿淺薄者用替針丸

白丁香 一字

礞砂 一字

沒藥

乳香 各一字

右灰餅藥納種糯米十四粒法

用石灰五升爐灰三升水五升淋取清汁入大鍋內熬濃汁至三二升用瓦器盛貯臨用時以小青盞盛取半盞濃汁却用皮紙貼盞中濃汁面上安定後取糯米十四粒種在皮紙面上一宿卽愈右爲細末糯米飯丸如麥粒大每用一粒未破用津貼瘡頭薄處卽破膿滯不快則用一粒納瘡口內使膿不滯好肉易生

又方

雄雀糞二十粒

礪砂

陳倉米

沒藥各一字

右研勻以米飯丸如粟大每用

一粒貼瘡口眼中卽潰膿出

替針丁香丸

草烏尖

礪砂

白丁香堅者

右爲末酸醋調點將破者令速潰若急則無如

刀快蜈針一法亦妙見後

〔梅〕治諸癰不消已成膿懼針不得破令速決取雄雀糞塗頭上乾卽易之雀糞中豎者爲雄

〔本事〕治癰疽已有瘡眼未出膿痛不可忍用此藥紙卽膿出巴豆一枚去皮膜不去心油鹽豉十四粒口中含去皮令軟同研爛真麝香少許如難丸入少稀糊捏作餅子如鼠糞大小臨時看瘡口紙之以紙撚子送入藥須臾必痛忍之良久膿遂出

鍼針取膿

〔丹〕出一切瘡口用出蛾繭殼燒存性無灰酒調下每服一枚服下一個時辰便有瘡口一個若服兩枚出瘡口兩個

〔精〕癰成膿宜針其鐵用馬銜鐵為之形如韭葉兩面皆利可以橫直裂開五六分許取其毒血如覺病輕須先灸而後裂 〔婁〕按癰如椒眼數十粒或如蜂巢蓮房而膿出痛不除宜用針者以針橫直裂之則毒血挾膿出而愈如無椒眼之類只消直入取膿不必裂之也又法當椒眼上各各灸之亦佳不必裂也

〔靈〕鉞針者末如劍鋒以取大膿

〔素〕夫癰氣之息者宜以針開除去之

病疑篇王註云息瘕也死肉也○今世用刀割去死肉者

是也

治腐腫者刺腐上視癰大小深淺刺刺大者多血小者深之必端內針為故正

長刺節論○大者多血小者深之八字衍

文也大小深淺刺七字取膿之法盡矣備矣

皮厚毒深宜烙

〔精〕疽成膿宜烙可用銀篋大二分長六寸火上燒令赤急手熨烙毒上得膿為效 〔鬼遺〕凡癰覺在虛處皮眼不見處皆是惡症如發高腫紫赤皮薄光澤覺裏有膿毒諸藥貼熨不破者宜用熟銅針於油火上燎透先用墨筆點定却當頭以針淺刺入隨針出膿者順也有不隨針膿出當用白紙作紙紙入針孔引出膿毒當時腫退可及三分如腫不退是一逆也腫不退疼不除但膿出二逆也膿疼不退患人不

覺瘡輕三逆也雖用針破出膿亦無所濟須急用引膿託裏湯藥以助其勢力可也更有癰生實處不
淺深如有膿卽用針烙無害稍緩卽恐傷筋骨內疼凡近筋脈骨節處不得亂行針烙反致他病也
患
疽初生赤硬或在虛處毒氣淺或在實處毒氣深切須仔細辨認仍問患人疼痛覺深覺淺其患處瘡頭
不拘多少其間須有一個最大者卽是大膿竅當用熟鐵大針頭如釵腳者於麻油燈上燒令熟透以犬
頭處按定插入一寸或至二寸膿當下恐未有膿毒出却用白紙作絛子絛入候次日取出其膿卽隨絛
下矣膿色黃白卽好若赤黑色防後有鮮血出卽患人寒戰不禁其有虛處不得妄行針烙 凡患發背
覺似有膿成便用大熟鐵針烙當正頭上烙之其烙並用麻油燈上燒令通紅烙入可二寸許初入肉卽
須橫插入不得正入恐烙透膜也如已有破處皮爛潰熟更不得用針烙如是橫長赤引開闊當須兩頭
下火針令膿毒隨針引出肥人膿汁多瘦人膿汁少如肥人却少瘦人却多多是肉敗壞成膿少是肉不
腐爛受氣實也尤宜詳審不可造次便行針烙亦看患人氣脈勻和榮衛氣不節滯血脈不致凝澀卽行
針烙無畏切須仔細患人氣虛脈氣大者亦不可亂行針烙針烙之法不可容易先看皮紋緊慢厚薄紫
赤色大光澤者卽可用針烙如皮肉未變不可用針針亦無濟大抵用針只欲引膿如針刺無膿是氣伏
也不可用針烙 〔丹〕或問烙法如何曰膿或汪洋欲出奈何皮厚肉深難穴者旣前無內託之藥先致

力於內後又不用烙以開竅脈膿何由出 膿本肉腐所成皆挾毒熱之氣若久留肉腠間則毒氣浸淫好肉亦化爲膿腐此所以烙法有功於潰瘍也彼根淺而皮薄者何必假此以賣弄假法恐嚇而勝取利也

〔發表〕一男子潰後發熱頭痛脈浮緊虛而兼表邪也以補中益氣湯加川芎白芷二劑而止更以託裏藥而愈 一男子風襲瘡口牙關緊急腰背反張以玉真散一服而愈仍以託裏藥而斂 一男子患癰將斂遍身作痒脈浮以消風散二服而止更以託裏藥而愈

〔攻裏〕薛一人胸患癰痼痛煩躁發熱作渴脈數而實時季冬予謂此熱毒內畜須捨時從證欲治以內疎黃連湯彼以時當隆寒乃雜用敗毒藥愈熾仍求治投前湯二劑後去二次諸證悉退以金銀花散加連翹山梔四劑出水而消 羅謙甫治賈倉使父

見發背

〔清熱〕一男子患癰潰而飲酒痼痛發熱服黃連解毒湯二劑而止更以託裏消毒散而愈常治痛而大便祕脈實者用清涼飲治之

〔已寒〕羅至元壬午有王伯祿者年五十七右臂膊腫盛上至肩下至手指色變皮膚涼六脈沉細而微脈症俱寒舉瘍醫彥和視之曰此乃附骨癰開發已遲以燔起之膿清稀解待日再開之加吃逆不絕言

和與丁香柿蒂湯兩服稍緩待日吃逆尤甚自利臍腹冷痛腹滿飲食減少時發昏憤於左乳下黑盡處
 灸二七壯又處以乾薑附子木香沉香茴香羌活類藥咬咀一兩半欲與服或者曰諸痛痒瘡皆屬心火
 又當盛暑之時用乾薑附子可乎予應之曰理所當然不得不然內經曰脈細皮寒瀉利前後飲食不入
 此謂五虛吃逆者胃中虛極也諸腫瘡瘍皆屬心火是定理也此症內外相反須當捨時從症非大方辛
 熱之劑急治之則不能愈也遂投之諸症悉去飲食進瘡勢溫膿色正彥和又與五香湯數服月餘平復
 噫守常者衆人之見知變者大人之事知常而不知變細事因而取敗者亦多矣況醫乎守常知變豈可
 同日而語哉 陳錄判母治案 見腦疽

託裏溫中湯 治瘡爲寒變而內陷者膿出清解皮膚涼心下痞滿腸鳴切痛大便微溏食則嘔氣短促
 吃逆不絕不得安臥時有昏憤

丁香

沉香

茴香

益智仁

陳皮 各一錢

木香 一錢半

羌活

乾薑 炮各三錢

甘草 炙二錢

黑附子 炮去皮臍四錢

內經曰

寒淫於內治以辛熱佐以苦溫以附子乾薑大辛熱溫中外發陽氣自裏之表以爲君羌活苦辛溫透
 關節炙甘草甘溫補脾胃行經絡通血脈胃寒則嘔吐吃逆不下食益智仁丁香沉香大辛熱以散寒

爲佐瘡氣內攻氣聚而爲滿木香茴香陳皮苦辛溫治痞散滿爲使也 右咬咀作一服水三盞生薑五片煎至一鍾去滓不拘時溫服忌一切冷物

〔補虛〕薛一童子腋下患癰不斂膿清脈大倦怠懶食少寐自汗口乾以內補黃耆湯及豆豉餅灸之兩月而愈凡瘡膿潰而清或瘡口不合或聚腫不赤肌寒肉冷自汗色脫者皆氣血俱虛也非補不可

一男子腰患毒膿熟不潰針之膿大泄反加煩躁以聖愈湯四劑而寧更以人參養榮湯加麥門冬五味子兩月而愈此人後患濕氣遂爲痼疾凡瘡膿血去多瘡口雖合尤當補益務使氣血平復否則更患他

證必難治療慎之 一婦人患臂癰瘡口紫陷膿清不斂彼以爲毒未盡欲服攻毒之劑予謂瘡瘍之證

腫起堅硬膿稠者實也腫下軟慢膿稀者虛也遂用附子餅灸之及飲十全大補湯百劑始愈 一婦人

患附骨癰久而不斂致腿細短軟脈來遲緩以十全大補湯加牛膝杜仲及附子餅灸之兩月餘而愈凡

膿潰之後脈澀遲緩者易愈以其有胃氣故也脈來細而沉時直者裏虛而欲變證也若煩痛尙未痊也

洪滑粗散者難療以其正氣虛而邪氣實也 一男子腰中患此發而不潰其氣血止能發起不能培養

爲膿也投大補藥數劑而潰又數劑膿出尙清乃服參耆歸朮膏斤餘膿少稠數斤膿漸稠肌肉頓生大

凡癰疽瘡氣血爲三若患而不起或潰而不腐或不收斂及膿少或清皆氣血之虛也宜大補之最忌攻

伐之劑亦有膿反多者乃氣血虛而不能禁止也若潰後發熱作渴脈大而膿愈多屬真氣虛而邪氣實也俱不治常見氣血充實之人患瘡皆腫高色赤易腐潰而膿且稠又易於收斂怯弱之人多不起發而腐潰及難於收斂若不審察而妄投攻劑虛虛之禍不免矣及患後當調養若瘰癧流注之證尤當補益否則更患他證必難措置慎之 一上舍年踰四十因怒脇內作痛不止數日後外結一塊三寸許漫腫色不赤按之微痛予謂怒氣傷肝致血傷氣鬱爲患以小柴胡湯對四物倍用芎歸黃耆貝母肉桂治之彼謂丹溪云腫瘍內外皆壅宜託裏表散爲主又云凡瘡未破毒攻臟腑一毫熱藥斷不可用況此證爲氣血凝滯乃服流氣飲愈虛始信而復求治視之虛證併臻診之胃氣更虛彼欲服予前藥予謂急者先治遂以四君子湯加酒炒芍藥炮乾薑四劑少愈更加當歸又四劑胃氣漸醒乃去乾薑又加黃耆肉桂芎歸數劑瘡色少赤并微作痛又二十餘劑而膿成針之却與十全大補湯喜其謹疾又兩月餘而瘳夫氣血凝滯多因榮衛之氣弱不能運散豈可復用流氣飲以益其虛況各經氣血多寡不同心包絡膀胱小腸肝經多血少氣三焦膽腎心脾肺少血多氣然前證正屬膽經少血之臟人年四十以上陰血日衰且脈證俱屬不足腫瘍內外皆壅宜託裏表散爲主乃補氣血藥而加以行散之劑非專攻之謂也若腫焮痛甚煩躁脈大辛熱之劑不但腫瘍不可用雖潰瘍亦不可用也凡患者須分經絡氣血地部遠近

年歲老幼稟氣虛實及七情所感時令所宜而治之常見以流氣十宣二藥槩治結腫之證以致取敗者多矣〔趙〕無錫華氏年六十患背瘡潰發大如旋盤而色赤想是平日多服金石藥毒發所致聞之果然因令侵晨飲羊血三五升始用退熱解毒生氣血之劑協以生肌膏半月後肌生膿少予因歸令服此藥百餘貼方可安全一月後復來招往視其瘡皮肉已堅厚如常但食少無力因問前日之藥服幾何曰瘡將平遂止不服脈之沉微甚因知其氣血止可供給瘡平而已於真氣則已竭不可治即古人所謂死於瘡結痂之後果不出半月而死不獨此膿出後之虛若因虛而發癰疽者亦然若以常法攻之則氣血不勝藥力之散而愈虛邪得以乘機入內多成不救

加味十全湯 治癰疽潰後補氣血進飲食

黃耆

蒸

地黃

蒸

當歸

川芎

人參

茯苓

芍藥

炒

白朮

陳皮

各一兩

粉草

炙

桂心

五味子

各半兩

烏藥

七錢

右咬咀每服一兩用水一椀生薑五片棗二枚同

煎分作二服留渣曬乾為末服之丹溪云加味十全湯須看年之老壯資之強弱症之緩急時之寒熱加減用之

丹溪云加味十全湯治癰疽後補氣血進飲食實爲切要蓋膿血出多陰陽兩虛非此藥何以回生起死惜其不分經絡不載時令又在識者觸類而長之今之外科於瘡瘍腫平痛寬遂以爲安漫不加省往往於結痂後兩三月或半年虛證乃見醫者不察病者不悟無補接調養之功因而轉成他病者惜哉予治一士夫因腳弱求診兩手俱浮洪稍鼓飲食如常惟言語問之不答肌上起白屑如麩片時在冬月予作極虛處治詢其弟乃知半年前曾於臂背腿三處自夏至秋冬節次生疽率用五香連翹湯十宣散與之今結痂久矣予爲作參耆白朮當歸膏以二陳湯化飲之三日後盡藥一斤白屑沒者大半病者自喜呼吸有力補藥應效以漸而病家反怨藥不速應自作風病論治煉青礞石二錢半以青州白丸子作料煎飲子頓服之予諫之不聽因而不救書以爲警云

補中益氣湯 治瘡瘍之人元氣不足四肢倦怠口乾發熱飲食無味或飲食失節或勞倦身熱脈洪大而無力或頭痛或惡寒自汗或氣高而喘身熱而煩

黃耆 炙一錢五分

甘草 炙

人參

當歸 酒拌

白朮 炒各一錢

升麻

柴胡

陳皮 各三分

作一劑水二鍾薑三片棗二枚煎一鍾空心服

人參養榮湯

治潰瘍發熱或惡寒或四肢倦怠肌肉消瘦面色痿黃吸吸短氣飲食無味不能收斂或

氣血原不足不能收斂若大瘡愈後多服之不變他病

白芍藥一錢半

人參

陳皮

黃耆蜜炙

桂心

當歸酒拌

白朮

甘草炙各一錢

熟地黃酒拌

五味子炒杵

茯苓各七分半

遠志去心炒五分

作一劑水二鍾薑三片棗一枚煎八分食前服

四君子湯 治脾胃虛弱或因尅伐腫痛不散潰斂不能宜用此以補脾胃諸症自愈若誤用攻毒七惡隨至脾胃虛弱飲食少思或食而難化或欲作嘔或大便不實若脾胃氣虛瘡口出血吐血便血尤宜用之蓋氣能攝血故也凡氣血俱虛之證宜於前湯但加當歸脾胃既旺飲食自進陰血自生若用四物沉陰之劑脾胃復傷諸症蜂起若命門火衰而脾土虛寒必用八味丸以補土母

人參

茯苓

白朮各二錢

甘草炙一錢

右薑棗水煎服

六君子湯

治脾胃虛弱或寒涼尅伐腫痛不消或不潰斂宜服此湯以壯榮氣諸症自愈即前方加陳

皮半夏

異功散

治脾胃虛弱飲食少思即四君子湯加陳皮

四物湯

治血虛發熱或因失血或因尅伐或因潰後致晡熱內熱煩躁不安皆宜服之經云血生於脾

若脾虛不能生血者宜用四君子湯加當歸酒炒白朮以補脾

熟地黃

當歸各三錢

芍藥二錢

川芎一錢五分

右水煎服

八珍湯 調和榮衛順理陰陽滋養血氣進美飲食退虛熱此氣血虛之妙藥也

當歸酒拌

川芎

芍藥炒

熟地黃酒拌

人參

白朮炒

茯苓各一錢

甘草炒五分

作一劑水二鍾薑三片棗二枚煎八分食前服

十全大補湯

治潰瘍發熱或惡寒或作痛或膿多或清或自汗盜汗及流注瘰癧便毒久不作膿或膿

成不潰潰而不斂若血氣不足之人結腫未成膿者宜加枳殼香附連翹服之自消

人參

肉桂

地黃酒洗

川芎

白芍藥炒

茯苓

白朮炒

黃耆鹽水拌炒

當歸酒拌各一錢

甘草炙五分

作一劑用水

二鍾薑棗煎服

歸脾湯 治憂思傷脾血虛發熱食少體倦或脾不能攝血以致妄行吐下或健忘怔忡驚悸少寐或心

脾作痛自汗盜汗或肢體腫痛大便不調或婦人經候不准晡熱內熱或唇瘡流注等症不能消散潰

斂



白朮

白茯苓

黃耆炒

當歸

龍眼肉

遠志肉

酸棗仁炒各一錢

木香五分

甘草炙二分

人參一錢

右薑棗水煎

服

黃耆人參湯

治諸瘡破後食少無睡及有虛熱穢氣所觸者

黃耆二錢

人參

白朮

麥門冬

蒼朮

陳皮

升麻

五味子

當歸身

甘草各一錢

黃柏炒四分

炒麴五分

右作一服水二鍾煎至一鍾食遠服

託裏當歸湯

治潰瘍氣血俱虛瘡口不斂或晡熱內熱寒熱往來或婦人諸瘡經候不調小便頻數大便不實等症

便不實等症

當歸

黃耆

人參

熟地黃

川芎

芍藥各一錢

柴胡

甘草各五分

右水煎服

內補黃耆湯

見癰疽兼症痛條

人參散 治癰疽內虛不足

